

Versiculos básicos para memorizar

A. Mushuj kawsida katina

1. Cristo es el Centro:
 - a. 2Co 5.17 Shinakiga Criston shujlla tukujka, mushujta rurashkami gan. Ñauba rurushkagunaga chingarishkami, kununga tuki mushujmi gan.
 - b. Gal 2.20 Criston parijumi chakatashka gagani. Shinusha ña na ñukaga kausanichu, ashtangarin Cristomi ñukabi kausan. Kunun ñukaj cuerpo kausashkaga Diosbuj Churibi crishkamundami kausaguni. Paimi ñukada k'uyushkamunda Paibuj kausidadi ñukamunda kuga.
2. Obediencia a Cristo:
 - a. Rom 12.1 Shinushaga wauki paniguna, Dios manchanaidi llakij gashkamunda kaida rugani: kangunaj cuerpogunadaga k'uilladij, ima juchash illuj, wañuchishkada Diosmu kuj shina Paillamu kausujta kurichunmi mañani. Shina rurushaga Diosta kabishkadi allibi churajkuna ganguichi.
 - b. Juan 14.21 “Maijin Ñuka mandushkagunada japisha kazujka, Ñukada kabishkadi k'uyushkadami rikuchin. Maijin Ñukada k'uyujtaga Ñukaj Taitash k'uyungami, Ñukash k'uyushami; shinaidi paimumi rijsirisha.”
3. Palabra de Dios:
 - a. 2Tim 3.16 Tuki Diosbuj Shimiga Dioslladi yuyida kusha escribichishkami. Chimunda yachachingukish, alli rurachun rimangukish, yuyachingukish, shinaidi tukibi kabishkada allidadi rurachun yachachingukish allimi.
 - b. Heb 4.12 Diosbuj Shimiga kausidash ruri pudinadashmi charin. Ishki jiluyuj espadadash yalli jilumi. Shinushami almadash espiritudash, mukugunadash tullu ñut' kudash chaubirijta waigujmi. Chimundami imalla shungu rurasha nigushkada ima yuyagushkagunash alli gashkada na alli gashkadash rikuchin.
4. Oración:
 - a. Juan 15.7 “Kanguna Ñukan tandanukushka kausasha, shinaidi Ñuka yachachishkagunada rurusha katishaga tuki ima munushkadash mañichilla; kangunamu kungami.”
 - b. Fil 4.6-7 Ama imabish kaida chaida yuyaringuichichu, ashtangarin tukibi Dioskun parlanukusha, ima ministishkada Paida mañusha *Diosolopai* nichu. Shina rurakimi pish na intindibujka Diosbuj chulunlla kausiga Cristo Jesusbi kangunaj shungudash yuyidash wakichingami.
5. Comunción:
 - a. Heb 10.24-25 Tukiguna ashtan k'uyanukungu alligunada rurangu kaishujkun chaishujkun ima layash ayudanukunada mashkashunchi. Ñukuchi tandanukunagunamu rinadash shujkuna ruragushka shina ama sakishunchi. Manduj shamuna p'unlla ña kuchuyamushkada rikushkamunda yuyachinukusha ashtandij kushiyashunchi.
 - b. Mat 18.20 “Maibi ishkima kinsama Ñukaj shutibi tandanukukish Ñukaga paigunaj chaubibimi gani.”
6. Evangelización:
 - a. Rom 1.16 Ñukaga Alli Shimimundaga nalladi pinganachinichu; chi Shimiga Diosbuj poder gashkamundami tuki mashnalla crijkunadaga kishpichingaj gan; kallarimunga israelgunamu, chi k'ipaga na israelgunamushmi gan.
 - b. Mat 4.19 Jesusga, “Katimichi; Ñukami kangunadaga chaulada japij shina, gentegunada japijta rurusha,” niga.

Versiculos básicos para memorizar

B. Cristoda yachi chayachina

1. Todos hemos pecado:
 - a. Rom 3.23 Tukiguna juchada rurushkamundami Dios k'uilla gashka shina ganamunga na chayi pudinguna.
 - b. Ef 2.3 Shinami ñaubaga paiguna layaidi tuki ñukuchikish aicha munushkada rurusha, shinaidi kikinbuj munish yuyish ima nishkaida p'aktachisha kausuganchi. Ñukuchikish chaishujkuna layaidi wacharishkamunda pacha Dios p'iñarisha llakichishka ganaidimi ganchi.
2. Pago de pecado:
 - a. Heb 9.27 Tukigunami shuj kutinlla wañuna gan. Chi k'ipaga kauzayuj na kauzayuj gashkadami Diosga rikuchinga.
 - b. Rom 6.23 Juchada rurushkamunda japinaga wañimi, ashtanbish Dios kumbidashkaga ñukuchida Manduj Cristo Jesusbi na tukurij kausimi gan.
3. Cristo murió para nosotros:
 - a. Rom 5.8 Ashtanbish kaibimi Diosga ñukuchida k'uyuj gashkada rikuchin: ima ura chairijtj juchayujkuna gakimi Cristoga ñukuchimunda wañuga.
 - b. 1Pe 3.18 Cristolladikish kangunada Diosmu pushangajmi kabishkada ruruj gashash na kabishkada rurujkunamunda juchagunamunda shuj kutinlla llakida apaga; aichabiga wañuchishkamiga shinash Espiritubiga kausachishkami gaga.
4. Salvación no por obras:
 - a. Tit 3.5 Na ñukuchij ima allida rurushkamundachu, ashtangarin Pai llakishkallamundami ñukuchidaga kishpichiga. Ñukuchi juchayujkunadaga Paibuj Espiritumunda maillusha kutin wacharishkagunada ruruga shinaidi mushujyachiga.
 - b. Ef 2.8-9 Dios na k'uyana gakash k'uyushkallamundami kanguna crika kishpichishka ganguichi. Kaiga kangunamundadijka na gashkachu; ashtangarin Dios kumbidashkami gan. Ama pish jatun tukuchunga, ima allida rurushkamundaga na ganchu.
5. Recibir a Cristo:
 - a. Juan 1.12 Ashtangarin mashnalla Paida japijkunamu, Paibuj shutibi crijkunamunga Diosbuj wawagunadi tukuchunmi kuga.
 - b. Rev 3.20 "Riki, Ñukaga 'Wasiyuj' nisha pungumunda kayashami shayaguni; maijinsh Ñuka kayashka shimida uyusha punguda paskukiga paibuj wasimu waigushaga paigun iguldami mikushun."
6. Estar seguro de salvación:
 - a. Juan 5.24 "Kabishkadadimi nini, maijinsh Ñuka parluskada uyusha Ñukada Kachuj Diosta crijka na tukurij kausidami charin, na llakichishkachu ganga; ashtanbish wañimundami kausimu ña pasushka."
 - b. 1Jn 5.13 Kanguna, Diosbuj Churij shutibi crijkuna, na tukurij kausida charishkada yachachunmi kaigunadaga escribigani.

Versiculos básicos para memorizar

C. Dios kushkagunada japina

1. Su espíritu:
 - a. 1Cor 2.12 Ñukuchiga na kai pachaj espiritudachu, ashtan Dios k'uyushkamunda ñukuchimu alli kushkagunada intindingaj Diosmunda shamushka Espiritudami japishkanchi.
 - b. 1Cor 3.16 Kangunaga Diosbuj wasi layashkada shinaidi Diosbuj Espiritu kangunabi kausashkadash ¿nachu yachunguichi?
2. Su poder:
 - a. Fil 4.13 Ñukada jinchiyachij Cristonga tukida pudini.
 - b. 1Ti 1.12 Alli crisha katichun ñukada jinchiyachishkamunda shinaidi alli katij gashkada yachusha Paída sirvichun churushkamundash ñukuchij Mandaj Cristo Jesusta *Diosolopai* ninimi.
3. Su fidelidad:
 - a. 2Te 3.3 Mandajka Pai imada rurasha nishkada P'aktachijllami gan. Pailladimi kangunadaga ashtan jinchi crijkunada rurasha millimundash wakichinga.
 - b. 1Co 1.9 Diosga Pai *Rurushami* nishkadaga P'aktachijmi. Pailladimi Paibuj Churi ñukuchij Manduj Jesucriston shujlla tukusha kausachun kangunada kayuga.
4. Su paz:
 - a. 1Pe 5.7 Kanguna llakilla gashkagunada illujtada Diosmu shitichi; Paiga kangunada chapana yuyillami gan.
 - b. Juan 14.27 “Ñuka rishaga k'uilla kausidami kangunamu sakini; chi k'uilla kausiga Ñukallamundadimi shamun, kai pachamundaguna kushka shinaga na kunichu. Shinusha ama kaida chaida yuyasha musparichichu, shinaidi ama mancharichichu.”
5. Su provisión:
 - a. Fil 4.19 Shinaki ñukaj Diosga Pai charishka manchanai k'uillagunada, kanguna tuki ima ministishkadash Cristo Jesumunda kunga.
 - b. Rom 8.32 Diosga kikinbuj Churidadi tuki ñukuchimunda wañuchun, na mitsarishalla kujlla gashadijkarin ¿imashadi Churin igulda tuki imalla tiyashkadash ñukuchimunga na kungari?
6. Su ayuda en tentación:
 - a. Heb 2.18 Pailladikish tentashka gasha llakida apushkamundaga tentashka gajkunadaga ayudi pudinmi.
 - b. 1Co 10.13 Kangunaga na alli muniguna shamuki pi gente na api pudibuj llakigunadaga na apushkanguichichu. Diosga P'aktachijmi; shinushaga kanguna na apibuj llakida apachunga na sakinga, ashtanbish na alli muniguna shamukiga Dioslladimi llujshinada kunga.

Versiculos básicos para memorizar

D. Jesusta katij gana

1. Poner a Cristo primero:
 - a. Luc 9.23 Jesusga tukigunada kashna niga, “Maijin Ñukada katingu munujka kikinbuj munida sakisha p’unllandij cruzta aparij laya ima llakida japisha katimilla.”
 - b. Mat 6.33 “Shinusha kallaramunga Diosbuj mandanada shinaidi Pai mandushkada p’aktachinadash mashkichi. Shina kausakiga Diosga kangunamu ima ministishkagunadami kunga.”
2. Separar del mundo:
 - a. Rom 12.2 Kunun p’unlla genteguna layaidijka ama gaichichu, ashtangarin kangunaj yuyida Dios mushujyachishkan uku shungumunda shujti tukichi; chibimi alli, k’uidij, ima pandarishka illuj ruranadaga Dios munushkada yachi chayanguichi.
 - b. 1Jn 2.15-16 Kai pachadash kai pachabi ima tiyashkagunadash ama k’uyichichu. Maijinsh kai pachada k’uyajka Taita Diostaga na k’uyancho. Kai pachabi imalla tiyashkaga aicha munigunash, ñawi rikushkada charingu munigunash, charishkagunan jatun tukunash na Taitamunda shamunchu, ashtangarin kai pachajlladimi gan.
3. Seguir firme:
 - a. 1Co 15.58 Chimunda, ñukaj k’uyashka wauki paniguna, jinchi jinchi, pish na kuyuchibuj jinchi shayaribanguichi. Manduj Jesusbuj ruranadaga yalli alli rurasha katigunguichilla. Kanguna Mandaj Jesuskun igulda ruragushka na yanga gashkadaga yachanguichimi.
 - b. Heb 12.3 Shinakiga Jesusta na rikunachij juchayujkuna na valichisha Paida imalla rurusha llakichishkada apaj Jesusta rikusha yuyarichi. Chimunda *Na katishun* nisha ama shaikuringuichichu.
4. Servir a otros:
 - a. Mar 10.45 “Aichayuj tukushka Churish sirvichunga na shamugachu, ashtangarin shujkunada sirvingakish wañushash taugagunada kishpichingakishmi shamuga.”
 - b. 2Co 4.5 Ñukuchillamundadijka na parlagunchichu, ashtangarin Jesucristo ima laya Manduj gashkadami parlanchi. Ñukuchiga Jesusmundaga kangunaj sirvijkunallami ganchi.
5. Dar generosamente:
 - a. 2Co 9.6-7 Ashallada tarbujka ashalladami japin; mirgada tarbujka mirgadami japin. Chida yuyaringuichi. Kushilla kujtaga Dios k’uyujmi. Shinushkamunda maijinsh kushaga na llakirishalla, na mandujllabi, ashtangarin kikinbuj shungun ña kungu yuyashkadami kuchun.
 - b. 1Ti 6.18 Allida rurachun, alli rurushkagunan charij tukuchun, shinaidi ima charishkadash kushilla kumbidasha kujlla gachun mandungui.
6. Pensar en el alcanzar al mundo:
 - a. Mat 28.19-20 “Shinushami tuki llaktaganabi kausujkunajmu risha Ñukaj yachagujkunada rurichi, shinaidi Taitabuj, Churibuj, shinaidi Diosbuj Espirituj shutibi paigunada bautizichi. Shinaidi tuki Ñuka imada kangunamu mandushkadash kazuchun paigunada yachachichi. Ñukaga kai pacha tukurina p’unllagamami tuki p’unllaguna kangunan gasha.”
 - b. Hechos 1.8 “Ashtan Diosbuj Espíritu kangunamu shamuki tuki imadash ruri tukunguichillami. Chimundaga kangunaga Ñukamunda Jerusalenbi, tuki Judea llaktabi, Samaria llaktabi, tuki karu llaktaganabish parlungu llujshinguichi.”

Versiculos básicos para memorizar

E. Jesus laya tukuna

1. Amor:

- a. Juan 13.34-35 “Kai mushuj mandushkadash kangunamunga kunimi: kaishuj chaishuj k’uyanukichi; ima laya Ñuka kangunada k’uyani, shinaidimi kangunash kaishuj chaishuj k’uyanukuna ganguichi. Kanguna kaishujkun chaishujkun k’uyanukukimi Ñukaj yachagujkunadi gashkada tukiguna rijsingaguna.”
- b. 1Jn 3.18 Ñukaj wawagunalla, ñukuchij k’uyiga jawa shimillan ama nishkalla gachun, ashtangarin rurushkagunan rikuchishka gachun shinaidi kabishka gashka gachun.

2. Humildad:

- a. Fil 2.3-4 Imada rurashash ama kikinbuj mununa yuyillan, alli rikurina yuyillan rurichichu, ashtangarin imadash na yachuj shinalla, shujkuna kikindash yalli yachujkuna gashkada yuyarichi. Maijinsh ama kikinllabuj alligunada yuyichichu, ashtangarin chaishujkunaj alligunadash yuyichi.
- b. 1Pe 5.5-6 Shinalladi k’ipa iñigunash, pushuj yuyijkunada kazujkuna gaichi; tukigunami na jatun tukushalla kaishujkun chaishujkun kazunukujkuna gananguichi, kashna nishkamunda: “Jatun tukushkagunanga Diosga jinchi tukunmi, ashtanbish ‘Imash na ganichu’ nijkunamunga Diosga alligunada kujmi.” Chimunda Diosbuj ruri pudibuj makibi gashkamundaga imash na gaj shina tukichi. Chibimi kangunada jatunyachina p’unlla chayukiga Paiga jatunyachinga.

3. Pureza:

- a. Ef 5.3 Ashtangarin Diosbujlla gajkunaj kabishka shina, kangunapurabiga piyunbish siririnama, tuki millanai ruranama, charij ganai muanamaidash, amalladi nimaidash nichichu.
- b. 1Pe 2.11 K’uyashka wauki paniguna, shuj llaktamunda shamujkuna laya shinaidi kai pachabi pasagujlla shinagunami ganguichi; chimundami kangunadaga alman makanukuj aicha munida ruranamunda wakichirichun rugani.

4. Honestidad:

- a. Hechos 24.16 Shinushami Diosbuj ñaubuki tukigunaj ñaubukish ñukaj yuyigunan linshu gangu p’unllandijta ashtan munani.
- b. Col 3.9-10 Kangunaj mauga kausidaga rurashkagunandij ña anchuchishkamunda shinaidi ña mushujta rurashkamunda kaishuj chaishuj ama llullanukichichu. Ñukuchida Ruruj Diosga Paimu rijchajta rurashami Paida alli laru rijsisha yachachunmi mushujyachigunlla.

5. Fe:

- a. Rom 4.20-21 [Abrahamga] Dios *Kushami* nishkada ‘¿Kungachu? ¿nachu kunga, imashi?’ nishamash na crishkama layaga na yuyugachu. Ashtangarin Diosta *K’uillami gangui* nisha ashtandi jinchi crina yuyidami japiga. “*Kushami* nishkadaga p’aktachingajka ruri pudijmigun,” nisha chi yuyillan criga.
- b. Heb 11.6 Na crishaga Diosta nalladi kushiyachi pudinchu. Paimu kuchuyajka Dios tiyashkadash Paida kutin kutin mashkagujkunamu allida kuj gashkadash crinami.

6. Buenas Obras:

- a. Mat 5.16 “Shinalladij tukigunaj ñaubuki kangunash alli kausasha luz shina rikuchichi, kanguna alli rurushkagunada genteguna rikusha jawa pachabi tiyuj Taita Diosta jatunyachichunguna.”
- b. Gal 6.9-10 Shinushaga allida ruranagunadaga ama shaikurishunchi. Shina na killanachishaga japina p’unlla chayuki siguj shina japishunmi. Shinushaga ima ura pudishaidijka tukigunamu, yallidijka krij wauki panigunamumi allida rurushunchi.